

四庫全書

集部

欽定四庫全書

石倉歷代詩選卷二百五十八

明 曹學佺 編

元詩二十八

丁鶴年

逃禪室述懷

出處兩茫然低徊每自憐
本無經國術仍乏買山錢
故邑三千里他鄉二十年
力微歸計杳身遠客心懸
桃李

誰家樹禾麻傍舍田鶉衣秋屢結蝸室歲頻遷逝水終
難復寒灰更不然久要成齟齬多病復沈綿俯仰衷情
倦栖遲野性便延徐誰下榻訪戴獨回船恥灑窮途泣
間脩淨土緣談玄分上下味道悉中邊有相皆虛妄無
才幸苟全棲雲同白鹿飲露效玄蟬高蹈慚真隱狂歌
愧昔賢惟餘空念在山寺日逃禪

風泉清聽

為文禪
師賦

幽棲空谷中石室如懸磬坐閱造化機動靜互相勝風

生萬籟隨雨過百泉應蕭蕭亂疎鐘泠泠隱清磬虎嘯
山月昏龍吟海波靜上人謝聲塵悠然入深定喧寂兩
俱忘是乃名真聽

題西園卷

為蕪湖辛
順中作

坐閱桑田變歸為菽水謀聊從西園隱少慰北堂憂汲
月滄江曉鋤雲沃野秋新蔬和雨摘碩果帶霜收嘉樹
巢烏鳥閒庭下白鷗管寧金不顧季子米應求千載誰
同調東陵有故侯

登北固山多景樓

風月無邊地乾坤有此樓城隨山北固潮蹴海西流眼
界寬三島胸襟隘九州階前遺恨石誰復話安劉

幽期

何處赴幽期青林白谷陞谷虛秋氣早林茂曙光遲談
罷風生塵歌闌月在巵謀身良自足何補國安危

春日海村

門巷絕輪蹄春深綠草齊風光不相負泉石且幽棲捲

慢通花氣移牀避燕泥時時得佳句自向竹間題

寓慈湖僧舍次龍子高提舉韻

迢遞過蘭若淹留為竹林疎鐘雲嶠迴孤燭雨窓深長
嘯非懷昔狂歌豈避今祇緣諸漏盡不受一塵侵

涵清軒

為慈谿懋上人作

止水纔盈掬涵空有底寬玉壺秋影淨金鏡曉光寒落
月斜洗白流霞淺浴丹上人方宴坐應向靜中看

贈李仙姑

何年萼綠華來降地仙
家花擁青鸞節香隨白鹿車
清輝迴雪月玄想結雲霞
不趕瑤池宴桃開幾度花

送定海許縣丞

蛟門佐邑滿南去候庭闈
雨露隨花綬雲霞避綵衣
賢聲今已著色養舊無違
萬里滄溟月清秋作伴歸

慈谿歸隱

為馮子木
大尹作

舊隱慈谿上歸休足自怡
水翻琴上曲山送畫中詩
叢菊秋容淡孤松晝景遲
依然對猿鶴無愧北山移

題四明倪仲權處士像

松間新雨過清覽出亭皋雲逐青驄馬風生白苧袍幽
懷隨地遠詩興與秋高囊錦歸時重應知從者勞

題筠軒

為定海胡處士賦

種竹繞前楹年深勁節成薄雲通雨氣清夜動秋聲魚
豕空遺簡鸞皇合度笙往來三徑熟不負歲寒盟

挽四明樂仲本先生

被誣冤死京獄

昔訪幽棲地論文十日還圖書花竹裏窓戶水雲間一

別成千載孤魂隔萬山
炙雞吾老矣東望涕潸潸

題畫

天連翠障開雨挾銀河瀉
中有澹蕩人於焉結茅舍
朝漁曲水濱暮獵平林下
危途策羸驂汨汨胡為者

歲晏二首

歲晏百憂集獨坐彈鳴琴
琴聲久不諧何以怡我心
拂衣出門去荊棘當道深
還歸茅屋底抱膝梁父吟

歲晏百憂集擊節發商歌
商歌未終調淚下如懸河
故

鄉渺何許北斗南嵯峨有家不可歸無家將奈何

悼亡

別時如玉人歸來死生隔日暮泣孤墳音容杳難得惟
餘墳上草猶帶羅裙色

胡節婦

一自失良人年年不見春常時折花處青苔滿行路即
今垂老百事非篋中惟有嫁時衣姑終養子能成立望
夫差勝山頭石

故宮人

粉愁香怨不勝情
強整殘粧對老兵
別殿金蓮餘故步
後庭玉樹變新聲
眼穿鴈字雲連塞
夢斷羊車月滿城
天上桃花王母去
世人誰識許飛瓊

雪後泛東湖

雪後湖山玉作圍
小舟乘興弄清輝
貪看月裏鸞回舞
不覺風前鷁退飛
雲母屏空春閨寂
水晶宮冷晚霏微
仙家一笑乾坤老
誰馭瑤池八駿歸

梧竹軒

為鳳浦
方氏作

鳳鳥曾聞此地過至今梧竹滿丘阿
政懷剪葉書周史
却恨翻枝入楚歌
金井月明秋影薄
石壇風細晚涼多
中郎去後知音少
共負奇材奈老何

九靈山房圖

為戴先
生賦

九靈別業何年到聊作新圖寄所思
幽谷白雲晴窈窕
高簷翠樹曉參差
輞川已入王維畫
韋曲仍傳杜甫詩
咫尺相望成萬里
卧遊心事許誰知

二靈寺守歲

守歲山房迴絕緣
燈光香爇共蕭然
無人更獻椒花頌
有客同叅栢子禪
已悟化城非樂界
不知今日是何年
憂心悄悄渾忘寐
坐待扶桑日麗天

暮春感懷

杜宇聲聲喚客愁
故園何處此登樓
落花飛絮成春夢
剩水殘山異昔遊
歌扇多情明月在
舞衣無跡綵雲收
東皇去後韶華盡
老圃寒香別作秋

奉寄九靈先生

花柳村村接海濱
攜家隨處避風塵
衣冠栗里猶存晉
雞犬桃源久絕秦
坐對青山渾不厭
忘機白鳥自相親
也知出處關時運
豈但逃名效隱淪

寄定海故將軍邵公輔

往事浮雲杳莫攀
壯懷未展髯先斑
不聞奉使通銀漢
空見將軍老玉關
故壘荒涼千騎盡
滄溟浩蕩一鷗閒
風塵隨處嚴訶止
愁殺田間野獵還

贈李全真

玄元孫子玄都客汗漫長遊宇宙間黃鶴白雲迷鄂渚
青牛紫氣滿函關袖中寶劍雌雄合鼎內金丹大小還
不見吹笙王子晉秋來幾度駐緱山

兵後還武昌

避亂移家大海隈楚雲湘月首頻回歸期實悞王孫草
遠信虛憑驛使梅天地無情時屢改江山有待我重來
白頭哀怨知多少欲賦慚無庾信才

題昌國普陀寺

神鼇屹立戴崔嵬俯瞰滄溟水一杯積翠自天開
罨畫布金隨地起樓臺祈靈漢使乘槎到傳法胡僧折葦來
若使祖龍知勝槩豈應驅石訪蓬萊

知歸庵

為四明董氏作

袞袞紅塵未息機斯人何事獨知歸青山不辨將來計
白髮徒嗟既往非谷口雲霞隨葛屨沙頭魚鳥識荷衣
自慚潦到江湖表猶對旄丘賦式微

樊口隱居

為武昌李均玉作

萬里雲霄斂翼回，掛冠高卧大江隈。
春深門巷先生柳，雪後園林處士梅。
翠擁樊山邀杖屨，綠浮湘水映樽罍。
誰能領取坡仙鶴，月下吹簫共往來。

戲贈劉雲翁

千金不惜買新聲，贏得風流老更成。
銀甕葡萄浮臘蟻，金屏窈窕轉春鶯。
香凝宴寢頻開席，花暗閒房合度笙。
夜燕未終賓客醉，莫將明燭照華纓。

錢塘懷古

錢塘佳麗冠南州故國繁華逐水流
龍虎已消王霸氣江山空鎖古今愁
吳臣廟冷潮喧夜宋主陵荒塔倚秋
最是西湖歌舞地數聲漁笛散鳬鷗

武餘清樂為致仕尹將軍賦

汗馬功臣即引年登山臨水小遊仙
印紋久秘微生綠字韻新成盡入玄
深造煙霞靈運屐浩歌風月鄂君船
貽謀尚有孫吳畧膝下時時課一篇

紫閣山房為史仲魚賦

太華諸峯紫閣奇結茅應不負幽期遠分空翠來函谷
靜寫脩蛾入漢陂紅日屋頭臨照近白雲窓外卷舒遲
曳裾自到金門下猿鶴無時惱夢思

勉戴玄學

才名籍甚冠時髦愛爾青年氣獨豪千里共誇騏驥足
九苞爭覩鳳皇毛月中把桂雲生履天上看花日映袍
宦達每由稽古力夜深燈火莫辭勞

送人歸故園

故園休道已休兵
客裏那堪送客行
老去別懷殊作惡
亂餘歸計倍關情
孤村月落羣雞叫
絕塞天清一鴈橫
到日所親如見問
浪遊江海負平生

避地

避地長年大海東
蕭條生事野人同
春深耒耜孤村雨
日落帆檣遠浦風
那得文章偕隱豹
聊將音問託歸鴻
平生自恨無仙骨
五色蓬萊咫尺中

卜居

木石為交不背盟卜居應得愜幽情
雨苔蘸水溪魚上風葉墜階山犬鳴
習懶已成忘盥櫛避喧漸遠絕逢迎
義肥百戰收全勝特為耽詩太瘦生

題東湖青山寺古鼎銘長老鍾秀閣

手開樓閣貯羣經面對湖山衛百靈
玉鏡夜寒通沆瀣翠屏秋淨倒空青
避煙鶴起簷間樹行雨龍歸几上餅
我亦逃禪雲水客便應蕭散共松扃

清勝軒

為姑蘇潤上人作

繞屋松杉手自栽，重陰長日護蒼苔。
一溪窈窕花間入，三徑參差竹下開。
夜半霜鐘寧假寐，秋深月鏡本無臺。
主人定起焚香坐，何處扁舟棹雪來。

悼湖心寺壁東文上人

祇林一葉隕秋霜，回首滄洲淚兩行。
几上殘經塵已暗，簞中遺槁墨猶香。
雲迷圓澤三生石，月冷維摩十笏房。
想像清容何處記，寒梅幾點竹蒼蒼。

採蓮曲

採蓮復採蓮下有孤鴛鴦秋花不結實夜夜守空房

其二

朝採並蒂蓮暮綰同心結不學綠楊枝含顰送離別

題畫

江樹青紅江草黃好山不斷楚天長雲中樓觀無人住
只有秋聲送夕陽

梧桐

井梧徹夜下霜風
錦繡園林瞬息空
老盡秋容何足惜
鳳巢吹墮月明中

題林泉野趣圖

清江白石帶疎林
樊口幽居尚可尋
夢裏草堂無恙在
秋風春雨總關心

題鴈

兵戈故國日凋殘
野蔓荒煙白骨寒
目送飛鴻度關塞
有書無處報平安

迎大年椿上人不值暮歸偶成

東歸聞道已浮杯力疾逢迎日幾迴
何處晚來成誤認
風簾竹影月窻梅

竹枝詞

竹雞啼處一聲聲山雨來時郎欲行
蜀天恰似離人眼
十日都無一日晴

石倉歷代詩選卷二百五十八

欽定四庫全書

石倉歷代詩選卷二百五十九

明 曹學佺 編

元詩二十九

余闕

擬古

昔在西京日縱觀
質前聞皇皇九衢裏
列第起朱門借問所居誰丞相
大將軍平明事遊謁車馬若雲屯
芍藥

調羹鼎狒狖鑄酒罇頌聲美東魯逸奏出西秦迴風薄
蘭氣十里揚清芬東家有狂生容顏若中人謬言擬宣
尼幽思切玄文著書空自苦名宦乃不振悠悠千載下
安有揚子雲

其二

昊天轉時律大火西南馳勁商發羣籟白露降嚴威攬
衣起視夜明月鑒薄帷翩翩征鴈翔唧唧寒蛩悲紅蘭
委芳采柏葉亦離披喬喬千丈松孤生泰山隈凝霜裂

其膚層冰斷其柢摧殘若傾蓋蒼翠終不移草木有至性明哲宜戒哉

白馬誰家子

白馬誰家子綠轡縵胡纓腰間雙寶劍璀璨雪花明甫出金華省還過五鳳城君王賜顏色七寶奉威聲夜入瓊樓飲金樽滿繡楹燕姬陳屢舞楚女奏鳴箏慷慨顧賓從英風四座生一朝富貴盡不如秋草榮黔婁雖貧賤千載有餘名

天門山

保寧知府
楊丹作記

楊子博地志名山屢出王但言隱彌匪崇冠峙嵩梁井
絡通遙甸天經列鉅障羣峰如菡萏歷亂發金塘玉壺
既嶮嶮天門迴開張宛蟲連紫蓋母泉濺石牀入門蔭
脩竹中夏若寒霜靈鳥多異色中林皆妙香耀真啟幽
室積石構瑤房萬里秘冥奧千秋阻袂望惟應學仙侶
結桂共相羊

送錙伯溫之江西廉使

得雲字

祖帳依山館車蓋何繽紛使君驅駟馬衣上繡成文中
坐陳綺席羽觴流薄薰情多酒行急意促歌吹殷況我
鄉邦友同館復同羣初暘麗神皋遙望澄遠氛迴鑣望
雙闕五色若卿雲蒼茫歲年徂東西岐路分道長會日
遠何以奉殷勤惟有凌霜栢天寒可贈君

秋興亭

涉江登危榭引望二川流雙城共臨水兩岸起飛樓漢
渚深初綠江皋迴易秋金風揚素浪丹霞麗綵舟登高

及佳日能賦命良儔御者奉旨酒庖人供膳羞一為山水媚能令車騎留為語同懷者倘暇即來遊

九日鄂渚登高

南州理秋祓嘉節協乾陽爰與幕中友臨眺涉崇岡維時天氣肅芬菊已沾霜雷雷風振谷淒淒日在房高雲斂楚岫曜景遊川梁微徑出丹林列坐泛金觴佳賓未會合良會安可常英曹幸文雅獻酬寧計行預恐還吹帽煩君戒太康

先天觀

仙客鍊金地蒼山深幾重至今龍虎氣猶在琵琶峯峯
前石路整金澗垂楊嶺萬壑閔阿宮千秋奉丹鼎日月
采三秀人人吹玉笙既要王子晉復命董雙成方朔金
門步春來多自豫青鳥幾時還銜書寄君去北闕懷美
祿南山思遠遊勞心如御水東去復西流

題虞邵菴送別圖

南州山水麗中田歲事豐時貞文物粲道合朋輩同濟

濟衆君子班坐蔭青松迴洲環偃月丹林結綵虹翔鷗
方矯矯鳴鴈亦噦噦即趣情已展染翰思彌工予亦幽
栖者纓冠朝北宮披圖誦佳詠邈爾想高風

送觀至能赴歸德知府

善理崇富教長郡等烹鮮況茲久凋瘵望治切宸淵綬
組承明裏結駟雙闕前燕郊芳草歇商墟大火懸高懷
薄霄漢攬轡殊慨然揆子昧時用載橐從甘泉庶聞兩
歧詠為予書汗篇

送黃紹及第歸江西

上林花落盡東門餞別初遊絲橫輦道金波溢鏤渠含
觴不能飲躑躅此城隅念子正英妙丹泉媚綠蕖翻然
阻山岫邈爾問離居芸閣誰同坐蒲生孰共書時應有
詞賦為寄北飛魚

送胥式南還

孟冬寒律應原野降繁霜客子倦遊覽結筇還故鄉驅
車出城闕旭日懸晶光綺宮上爛爛翠閣後蒼蒼豈無

涼華志晞景發清揚富貴在榮遇貧賤有安行恒恐歲
年迫皋蘭凋紫芳君看沙上鴈騫翮乃隨陽

題黃河清艮岑幽居

大明照四海之子乃陸沈遠絕仁義絆結宇幽崑陰蒼
翳谷中路蘄崩北山岑憲鶯響初陰隴月顏夕林時憑
曲水几蕭散發長吟委化諒為達滯樂恐遂淫援琴鼓
招隱念子為薰心

題施氏西嶼書堂

中智貴得性得性非易求羨君潁川曲松竹蔽層丘春
秋當佳日兄弟各命儔總轡凌晨街展席面清流參差
瓊峰出泓澄綺磧周緗荷承繡宇黃鳥響疏樓起坐玩
芳帙為樂鮮優游河陽恥巧宦建春壓旅愁安得周公
瑾為館孫仲謀

送方以愚之嘉興推官

帝仁同禹泣典憲輟朝纓我友膺時選銜命出承明是
日芳節屆列餞多鉅卿桃花疑組色烏嚙雜歌聲仰獻

一杯酒遠慰千里行丈夫有遠業文墨非所營勉布惟
良政持用答皇情

馬伯庸中丞哀詩

結纓趨魏闕俛仰二十霜化運易遷逝故老今盡亡維
時遊公門時節會高堂崢嶸奉餘論炫曜晞報章制若
縞繡陳聲若寶瑟張儀若龍文鼎爇若照夜瑞芋眠山
工巧幻妙極毫芒抽思究皇術振藻詠時康念此今已
矣松柏杳茫茫驅車入珂里窮門委舊行珠移青淵涸

桃盡故蹊荒龍火出勁秋玉衡變春陽朝榮計已殞夕
香豈不芳感彼推輪始惻惻我心傷

蘭亭

奉節過東鄙總轡臨越墟覽此崇山阿亭榭猶晉餘陽
林積珍木禊館流鏤渠微風旋輕瀨宛委寫成書秋杪
霜露滋清商滿縣隅紅蓮凋綺葉微瀾見躍魚藉芳泛
羽觴眠聽良有娛逍遙大化內豈必三月初

自集賢嶺入大龍山

皖公標楚甸茲嶺孕奇形翠積樅江潁崇冠呂蒙城戒
途入中林平岡駐我旌延望失來術周覽多所經峩峩
石窓矗窅窅巖岫冥離離雲朝隴粲粲樹敷榮闕弓射
鳴鴈羣谷振弦聲仰憐山人居俯悅洞下耕蒼龍啟春
候金虎收光精權家既非學農用或可明願言同載者
為爾鑄阿兵

安慶郡庠後亭讌董僉事

鯨鯢起襄漢郡邑盡燒殘茲城獨完好使者一開顏省

風降文囿弭節遵曲干雙池夾行徑累榭在雲間天淨
羣峰出地迴蒼江環霞生射蛟臺鴈沒逢龍山開樽華
堂上命酌潁危欄主人送瑤爵但云嘉會難豈為杯酒
歡樂此罷民安魄淵無恒彩清川有急瀾明晨起驂服
相望阻重關

送康上人往三城

嘗登大龍嶺橫槩視四方原野何蕭條白骨紛交橫維
昔休明日茲城冠荆揚芳郊列華屋文繡被五章乘車

衣螭繡貴擬金與張此禍誰所為念之五內傷豎儒謬
乘障永賴天降康樅陽將解甲皖口寢開疆耕夫緣南
畝士女各在桑念子中林士振策亦有行我聞三城美
龍嶺在其傍連林積脩阻下有澄湖光明當洗甲兵從
子卧石牀

七哀

殷湯誦桀阻周魯歌東征聖哲則有然我何敢留行斬
牲祀怒特釁鼓起前旌野布魚麗陣山鳴鏡吹聲函關

何用塞受降行已成路逢故鄉人取書寄東京寄言東京友勉樹千載名一身未足惜妻子非無情

八月十五日處州分司對月

玄武夕始正華月生秋旻金波何穆穆綠桂滿中輪徘徊出西陸照耀此甌閩光流河宿隱氣隨商律振餘輝動軒房紫蘭含微津皇天降嘉歲五政亦已陳樂哉一卮酒允矣同庶人

安南王留宴

將命坐藩服式禮奉國賓賢王重意氣延客列華裾肅肅高堂上圓方饋八珍齊優雜趙女歌曲一何新遺響從風發雕梁落素塵中觴每傳滿眷眷難具陳厚往己有愧懷報恐無因

黃鶴樓

岿堯黃鵠嶺歸魏構楚材澄江還畫楯連城抗鉛階雕衡朱鳥峙淵井綠荷開隱見長沙渚想望雲陽臺晴霄一仰止輪奐信美哉淮南儻好道日夕化人來

鶴齋

葉縣飛鳬舄琴高駕赤鱗
豈若青田鶴瀟灑迺仙倫
刷羽琪樹側振唳華池津
騫騰望霄漢逸氣已冲天
鍊液諒有驗滅景入無垠
還乘過緱嶺舉手謝鄉人

龍丘長吟贈程子正

戰龍起新室羣鳥亦翩翩
偉哉龍丘生抱琴歸故山
仰視天際鴻俯弄席上絃
清音發疏越逸響遺澗泉
悠悠鳳翔漢婉婉虬媚川
清風自千古何用能草玄

玉雪坡為周伯溫賦

江梅有至性能怡君子顏
開花競芳節權秀帶春寒
惟與玉同色還嗤雪易殘
芳香拂羅袖如薰金博山
置此賓席上人人別意看

待制張廷美姑阿慶詩

葭莢啟望國灼灼詠桃夭
操觚染芳藻短髮未勝翹
始聆白雪句兼傳黃竹謠
蘭萌初映砌春霜已降霄
秋榛覆故隴驚蓬颯迴颺
金罇與瑤席庶足奉仁嬌

詠古楊沛

楊生仕州縣謀國不謀身一朝解印綬歸來但長貧茅
茨上穿漏顏垣翳綠榛空牀積風雨蝸牛止其中辛苦
豈足念殺身且成仁

大別山柏樹

奇樹如蛟蜃盤翫上虛空孤生雖異桂半死反如桐香
帶金爐氣色映綺錢中靈從后皇服年隨天地終常瞻
北枝翠終古鬱葱葱

送王闕赴泗州行捕提舉

蒼茫吳楚會縱橫淮坂流春水未泮渚芳杜已生洲揚
旌朱樓前張獵青山幽獻功效大兕亦致公子裘消搖
足為樂何嗟晚不候

送李好古之南臺御史

都門相送處旭日動蘭暉綺樹鶯初下金溝絮漸飛分
驂向遠道把袂戀音微去去江南陌應看滿路威

送霍維肅令尹

握手蘭宮外朝光滿禁塗山寒知塞近苑靜覺鶯疎草
草離樽既悠悠征輶驅還應軫時念不羨報金吾

呂公亭

鄂渚江漢會茲亭宅其幽我來窺石鏡兼得眺芳洲遠
岫雲中沒春江雨外流何如乘白鶴吹笛過南樓

宴晴江山拱北樓

漢城開繡閣蕭然似渚宮晴江華楯外列岫綺錢中樹
色芳樽綠荷花粉臉紅賢王敬愛客樂宴意何終

詠絕塵軒

網軒開翠嶠山水下葱龍江中寶牀擁樹杪雕欄紅心
融二陣滅境靜六塵空應似青蓮葉齊開綠水中

壓雪軒

軒轅鑄鼎處仙臺成畫圖寒雲生洞渚暝色入蒼梧如
霧飄丹閣非煙起玉爐年年漫來此無處挽龍胡

竹嶼

秋水鏡臺隍孤州入淼茫地如方丈好山接會稽長紫

蔓林中合紅蓮葉底香何人酒船裏應是賀知章

送危應奉分院上京

峽路傳清警金輿夾綵旃還如向姑射詎比幸甘泉遠
樹紛成幄關榆始委錢從臣偏寵近載筆幔城邊

嘉樹軒

嘉植將百歲積翠廣庭間高柯出閭巷低枝蔭井幹流
膏從風颺芳氣散如蘭別有清霜節將同綺樹看

禎祥菊

舊花已萎絕新花迺再芳都緣稟金氣特解傲司藏
旖旎生殘馥歲華出故房應憐蕙草質戢穎委微霜

賦得九里松送吳元振之江浙左丞

結駟向青郊松陰九里遙言從天竺寺自度小春橋
偃蹇成芝蓋蕭瑟蔭蘭橈相送將何贈期君保後凋

題合魯易之四明山水圖

窓中望蒼翠春木起晨霏孤嶂纔盈尺長松未合圍
蕭蕭此仙客日日候巖扉念爾空延佇王孫且未歸

祝蕃遠經歷挽詩

逸軌無還轍驚川有怨思
蒼苔生舊館素簡委空帷
龔勝誰相弔虞翻少見知
惟應問道者寂寞薦江離

題蛾眉亭

空亭瞰牛渚高高凌紫氛
澄江萬里至華嶠兩眉分
落日兼霞綵流光成綺文
憑軒引蘭酌休憶謝將軍

南山贈隱者

君家南山下南山果何如
開闔盡雲路向背凌虛木

客採薜荔怨女詠薜蘿何當牽白犬見君巖下書

賦得慈恩寺塔送李惟中赴西臺侍御

祇園開塔廟遐瞰盡三秦
琬玉裁文陛金銅結綺輪
高標雙闕外流影灞陵津
攬轡還登眺題名繼昔人

汪尚書夫人挽詩

喧喧引長紱簫鳴閭井間
旌連綺霞閣路指敬亭山
泉底鸞臺掩城中翟蓋還
尚書老歸國誰與襲芳蘭

題周伯寧畫

殺機起無象平陸忽成紅蒼生吮猛虎日馭經紛虹舉
目墟里間但見蒿與蓬惟有王官谷于今似畫中

寄題環秀亭

在五祖寺

宗老來相報黃梅盜已平傳聞一峰下臨眺九江橫象
構誰能壞香臺積可成憑詢幾小劫又復到昆明

葛編修輓詩

景老

昔別情何樂今還語向誰幽房通貝闕空館冒蕪絲未
過徐公墓徒懷有道碑扁舟望湖曲清淚濕江蘼

賦得鉅野澤送宋顯夫僉事之南山

堤上柳沈沈春蒲汎渚禽濟田東匯澗汶水北流深落
日依中汎浮雲積太陰微茫看不盡渾似醉時心

夜坐和成太常

片月生碣石微光挂玉弓秋河空窈窕遙映建章宮哀
鴻知時節南飛正匆匆感君思親味惻惻此心中

其二

牽牛表宮雉華星動綺錢沈沈鳩鵲觀悠悠清漏傳無

才愧三益虛食念百屢綿思至中旦莫繼瑤華篇

送張有恒赴安慶郡經歷

曉路通高嶂春城入大江草生垂釣浦人語讀書窓肅
客移茶鼎行田載酒缸幕寮誰得似高步絕紛龐

宋祭酒輓歌

文章知有數耆舊忽先零東井開圖畫西山閱爽靈司
徒虛執饋太史早垂銘悵望平原繡時時問客星

送李伯寔下第還江西

之子不得意南行無怨辭官河人杳杳客路雨絲絲古
木淮陰市春城孺子祠悽然千里別為賦小星詩

有所思

春風起寒色春衣方重熏新裝捲羅幕清唱入行雲艷
色若流月芳澤謝蘭芬嬋娟信無度我思何在君

長安陌

浩浩長安陌瓊樓夾廣厦鴛鴦御溝上芍藥吹樓前駿
馬追韓嫣金尊酌鄭虔功名有時有且得樂當年

伯九德興學詩

上德撫玄運
籲俊尹神京
三雍烝髦士
五學訓齊氓
登高陳羽縣
鸞刀奉麗牲
優游樂清化
大道嘉方行

送孫教授

皇情重聲教
宵裝爾載馳
邊城南徼外
禮殿左江陲
揖讓陳柳器
絃歌蔭薜帷
全勝宜春郭
花落閉門時

賦得君子泉送彭公權為黃州教

君子沒已久
遺井郡齋中
本寓思人意
兼全澤物功
銀

牀駁故蘚玉甃薄寒桐幾日趨官舍橫經誦養蒙

賦得春鴈送司執中江西憲幕

春風起蘋末旅鴈尚回翔乳鴨嬌同唳新蒲短可藏應
懷洞庭水非避塞垣霜客路頻懷舊題書寄帝鄉

題段吉甫助教別墅圖

玉署掛新圖如君舊隱居峰高託霞上葉變是秋初遊
客看常在溪聲聽却無只此同登望豈必命柴車

山亭會琴圖

連山環絕壑，雲木亂紛披。中有抱琴者，還如榮啟期。蕭然人不語，問子欲何為？

送王其用隨州省親

都門楊柳萬絲垂，城下行人驕牡駢。宮中近得三年謁，篋裏新裁五色衣。漢皋秋晚遊娼少，夢渚波寒獵火微。我有愁心似征鴈，隨君日日向南飛。

登太平寺次韻董憲副

蕭寺行春望下方，城中雲物變淒涼。野人籬落通鵞口，

賈客帆檣出漢陽多難漸平堪對酒一樽難盡更焚香
憑將使者陽春曲消却征人鬢上霜

詠井上桃花

本是仙源種移來禁中栽為愛妖嬌色偏臨露井開

題段應奉山水圖

水如剡溪水山似沃洲山想見鱸魚美扁舟常不還

題溪樓

溪水綠悠悠高樓在溪上日暮望江南舟中采菱唱

別樊時中

桃花灼灼柳絲柔
立馬看君發鄂州
懊惱人生是離別
不如江漢共東流

其二

光祿橋西惜解攜
春星欲傍露盤低
自來宮柳多離思
更著城烏在上啼

題光祿主事虎仲桓海棠圖

沈香羯鼓弄春杯
席上纔看半作堆
爭似君家屏障裏

年年歲歲有花開

題紅梅翠竹圖

竹藥梅花一色春
盈盈翠鈿掩丹唇
休言畫史無情思
却勝宮中剪綵人

贈山中道士善琴

山中道士綠荷衣
新抱瑤琴出翠微
已與塵緣斷來往
逢人猶鼓雉朝飛

石倉歷代詩選卷二百五十九

欽定四庫全書

石倉歷代詩選卷二百六十

明 曹學佺 編

元詩三十

王翰

題潮州郡學東亭

虛亭倚危磯蒼莽澹無跡幽人時往還濯足坐苔石
芟荷露涓涓蒲葦風淅淅物性機盡忘上下皆自適遙峰

敞空翠落日洞深碧悠然一舒嘯造化亘今昔聖門竟
淵邃世路何逼仄遐哉古人心日暮坐相憶

送鎖子堅北上

亂象既無已中心恒不夷翩翩南林鳥厲翮無所依念
子將焉如慷慨與我辭西北有名將世秉仁義麾壯哉
國士心嘉會良在茲江漢有舟楫梁楚多旌旗時焉不
我與言念渴與飢明良際昌運允稱平生懷

題菊

我憶故園時遶籬種佳菊交葉長青蔥餘英吐芳馥別
來二十載粲粲抱幽獨豈無桃李顏歲晚同草木及茲
覩餘芳使我淚盈掬離披已欲摧瀟灑猶在目雨露豈
所偏歲月不可復歸去來南山餐英坐空谷

龍山月夜飲酒分韻得樹字

薄暮清興嘉涼風集高樹須臾明月生清光在樽俎池
空河影涼石冷苔色古列坐當前墀杯行不煩舉野庖
具山蔬稚子薦雞黍晴峰餘靄收密竹殘露漚驚鵲翻

夜巢流螢墮前戶良時念睽離觸物感所寓坐待河影
流疎鐘遶林曙

秋懷

懸門扶桑弧丈夫四方績奈何中險艱零落苦相失涼
風天際來庭草淒以碧嗷嗷雙飛鴻宵征度寥閭物性
既如此予茲念何適寒聲在衣中心煩百憂集美人隔
天涯佳期阻良夕鼎湖詎可招巫咸已難即孤憤不自
聊長歌振巖石

送別劉子中

執手寒江濱慷慨難為別
豈無楊柳枝零亂不堪折
鴈西北來嗷嗷唳晴雪
陽和忽已暮旅况轉淒切
誰憐蘇子卿天涯持漢節

與和仲古心飲酒分韻得詩字

淵明歸去時不作兒女悲
視世如浮雲出處得所宜
有酒但歡飲戚戚欲奚為
斯人不可見載歌停雲詩

題棘石圖

烈風號中林極目盡荊棘離離寒月秋莽莽古原夕冥
鴻振高翮鷁鷁翳深跡奈此貞固姿蒼茫更秋色

寫望雲圖寄溫陵劉子中

開窓見停雲美人別經載以茲一時意聊寄千里佩暖
春復深悠悠歲云邁遲爾浩蕩心空山日相待

月夜坐悠然軒有懷

明月照我懷開窓共幽賞泠泠萬籟秋靜夜發清響山
川日脩阻之子獨云往長歌耿不寐相思發遐想

送陳同僉

馬首出城東將軍膽氣雄
旌旗明慘雪笳鼓動悲風
早雪三邊恨寧誇百戰功
相期春草色處處凱歌同

送張子方之江西掾史

自脫京華服知君歎索居
海隅清官在天上故人疎掛
壁空長劍探囊得素書更陪
驄馬去西望復何如

遊枕煙寺

石磴招提古松蘿暝不分
排雲雙樹轉隔水一鐘聞
林

影疑殘雨山光倚夕曛醉來歸路遠秋思正紛紛

夜宿洪塘舟中次劉子中韻

勝地標孤塔遙津集百船岸回孤嶼火風度隔村煙樹
色迷芳渚漁歌起暮天客愁無處寫相對未成眠

山房秋夜寄魯客

寂寞山居悄相思望轉迷江空寒鴈落樹盡暮雲低生
事悲秋草交情憶剡溪西齋愁不寐風雨共淒淒

題畫小景

萬籟秋聲近雙峰宿靄收江涵林影碎野接曙光浮
蘿薜連書幌鶯花避釣舟由來揚子宅寂寞閉丹丘

龍湖夜泊

小舟眠不得起坐待潮生露淺壺觴盡江澄中屢清沿
沙除鳥跡隔水遞鐘聲悄似金山夜相看月正明

晚眺次林公偉韻

偶信東山屐尋幽到翠微白雲空野樹紅葉戀斜暉岸
落潮初滿天寒鴈未歸風塵江海偏不上野人衣

懷雲卧軒上人

江上一為別
令人長憶君
碧虛燈影送
清籟梵聲聞
月落林扉靜
潮迴島嶼分
何時高閣上
對卧碧山雲

春日雨中即事

京洛繁華事
已違懷人竟
日掩空扉望
迷楚岫聞啼
鳩思入秦川
怨落暉野館
蕭條芳草合
寒江寂寞暮
雲飛落花片
片隨流水惆
悵關河淚滿
衣

自決

昔在潮陽我欲死宗嗣如絲我無子彼時我死作忠臣
覆祀絕宗良可恥今年辟書親到門丁男屋下三人存
寸刃在手顧不惜一死了却君親恩

題畫山水

野菊蕭蕭一徑深茅齋低結小山陰楓林又逐秋風老
惟有孤雲似客心

石倉歷代詩選卷二百六十

欽定四庫全書

石倉歷代詩選卷二百六十一

明 曹學佺 編

元詩三十一

陳高

南有山思友生也

南有山高維虛矣其上伊石不可以輿兮念子之遠莫
我愉兮南有水清維流矣其泮伊陸不可以舟兮念子

之遠莫我儔兮盲風淒淒卉木病瘁我行吳會曷其底
居二三君子眷我寡類勉進厥脩終始令譽

漢水贈別也

瞻彼漢水其流潺湲之子于邁言采其蘭嚶嚶好鳥集
于林間娟娟美人可以晤言我思美人在漢之溪秉心
允藏威儀楚楚聿求厥德將子是與慎爾優游成爾譽
處南山有玉琢以為琚北山有梓規以為輿君子好脩
始終弗渝

青田山房為劉養愚賦

幽幽青田山積翠高千尋大溪經其南白雲在山陰下
有隱者居卜築邃以深開門面石壁結構依松林牆古
薜荔長砌閒苔蘚侵簷間戲馴鹿戶外鳴幽禽花草春
佳治竹木夏蕭森秋宵月照牖冬晨雪明岑塵坐詎能
到車馬絕過臨其中何所有乃有書與琴逍遙足忘世
俛仰可娛心酒熟聊自醉興來時獨吟永謝城市喧何
用懷簪纓

發嶧縣

行役苦晝熱戒程當夜闌睡覺呼僕夫出門路漫漫明月照人影疎星掛樹間流螢點衣袂零露濕巾冠潮遠剡溪水俄入新昌山屬茲干戈際愈覺行路難愧無經世資何以濟時艱悵悵抱遠思綿綿起憂端東方忽已白林鳥鳴間闕前瞻石嶺峻喟然發長歎

過廣福寺石屏山房懷曾子白修撰陳伯清侍

講

遊行滯春雨
憩息依禪林
寺門閉寂閭
崖石聳欽
釜幽禽飛復止
脩竹何森森
賞寂屏塵慮
觀空起遐心
分榻坐雲影
巡廊步晚陰
緬懷玉堂彦
曾此共登臨
惆悵撫遺迹
石徑蒼苔深

郊行

郊行日遲遲
風和氣維穆
溝渠水方漲
隴麥秀以綠
荒村兵燹餘
蕭條數家屋
農人重田事
偶耕及春燠
老婦餉其夫
稚子飯黃犢
我本疎散人
出遊靡拘束
已無簪

纓累但望禾黍熟逍遙樂吾生奚復憂榮辱

容春軒

層軒結構幽當窓蒔花木簷雲棲夕陰庭鳥鳴晨旭四
時景物佳早晚風氣淑主人頗解事灑掃置書軸攜琴
來佳賓開樽瀉醺醪微酣有餘歡諧笑春意足寧知城
南居秋風滿茅屋

對菊分韻得須字

佳菊性所愛金英霜後敷見之開旅懷移植向庭隅豈

無杯中物幽賞與誰俱
今晨佳友過花下共歡娛
西舍新醪熟足以供所須

惜別分韻得與字

江山無行人天寒況風雨
出門辭友生情深別良苦
褰衣感繾綣豈不念留處
高堂想歸期歲月不我與
停舟且勿迫傾樽出清醑
酒短意更長含淒我無語

別林文懋

我昔山中來牆梅花正開
我今別君去枝頭實無數
光

陰東逝波百歲能幾何有酒且須飲莫聽別離歌歌聲
使腸斷欲醉千愁散但令酩酊忘分攜明朝相憶各東

西

泊館頭步

朝發芳林嶺夜依館頭泊厭茲跋涉勞懷哉田園樂生
理苦艱難歸耕歎悠邈貧窶何足憂甘旨焉所託栖栖
道路中素心負丘壑行年三十餘齒牙半搖落良由筋
骨疲豈但質衰弱憂思耿不寐起觀衆星白羣雞鳴江

臯己復戒行客

晚歸

西崦日初沒
遠樹生夕陰
晚步草露濕
獨歸松徑深
入室載言笑
稚子牽衣襟
樽中有濁醪
可以酌復斟
坐來窓牖白
佳月出東林
幽情寄觴詠
適意忘華簪
自得閒居理
寧憂外患侵

雨中有懷李申伯楊彥祥二文友

幽室隱几卧
覺來聞雨聲
開窓土痕濕
井邊春草生
旅

寓惜芳草閒居抱幽情美人期不至誰與共持觥相思
巷南北如隔萬里城

同蔣伯威朱德常遊育玉山得冷字

春晴煙霧開地勝林泉迴杖策隨諸彦尋僧訪幽景古
逕人影稀落日松陰冷徜徉谷鳥散臨憩山房靜玄賞
誰能忘塵慮從茲屏

寓興二首

入山采瓊瑤雲深白石堅瓊瑤不可采中心抱悁悁悁

惓思美人青青見芳草芳草在空山美人隔長道
種花種蘭蕙取士取君子蕭艾不馨香小人混臧否如
何此芳草零落在山林古人不可見悠悠傷我心

山居

避喧林下居抱病山中卧家貧酒屢空性懶詩慵課禽
聲隔樹啼雲影當窓過獨有采樵人時來慰衰情

晚步

雨霽野色淨杖策步殘陽度橋尋幽徑沿溪遶西莊隴

麥生微秀籬菊散清香行吟來復往零露忽沾裳

懷友

作客黃山下思君漢水濱愁牽清夜夢吟瘦老夫身漂
泊誰知我交游獨此人春來尋小艇江上問通津

寒食寓興次黃宗魯二首

浩蕩乾坤大羈棲歲月深他鄉對寒食愁思滿淮陰詩
句慚孤詠春花孰共尋相逢同郡子時復一論心

去歲清明節天台看杏花淒涼今日事漂泊楚人家淮

楚風塵暗鄉山道路賒倚門親白髮反哺愧林鴉

題畫

天高白露下空山秋寂寥尋真入谷口幽景如見招白石可礪齒古木堪懸瓢為愛琅玕淨不知歸路遙

獨客

獨客悲清夜高秋託異鄉月侵窓影白風度角聲長野戰生新鬼邊烽照近疆歸耕吾計決不必問行藏

贈章以元昆仲

相見談經史江樓坐夜闌風聲吹屋響燈影照人寒俗
薄交游盡時危出處難衰年逢二妙亦得悶懷寬

征婦怨

征夫出門時征婦淚垂垂把酒勸君飲執手問歸期歸
期今已過更無消息歸朝朝倚樓望只見鴈南飛

落梅曲

梅花開滿枝無奈曉風吹風吹花落盡爭似未開時花
開終有落非關曉風惡愁殺愛花人城頭復吹角

題臨清亭

幽亭瞰清沚，翠巘環欽崙。
涵波欄檻淨，遶簷花木清。
遊魚弄微影，好鳥度輕音。
歡樂酬芳景，欣然會賞心。

送胡希元歸江西

落日烏紗帽，西風白布裘。
吏才兼翰墨，羈旅亦風流。
聽雨留僧寺，看雲憶故丘。
他鄉同泛梗，那忍送歸舟。

岳陽樓圖

巴陵地殊勝，洞庭波渺綿。
層樓碧霄上，雕欄綠樹邊。
想

像對圖畫遊觀阻風煙何由誇黃鵠憑高望遠天

四月十六寓玉環喜家童來住至

數月思家信今朝喜汝來妻兒憐我遠懷抱向誰開山
谷多烽燧田園半草萊大軍消息近故里尚堪回

題山居圖

層巒積翠色中有嘉樹林幽人此避世結屋山之陰攜
琴出山去獨懷千古心知音不可見歸路白雲深

病中遣懷

卧病玄冬半羈栖碧海邊風塵方滿野戎馬已經年下
邑供軍食何時發漕船薄才無寸補自合賦歸田

其二

久卧思登眺扶衰謾倚樓山紅斜日映江白晚煙浮行
直書空鴈帆歎入浦舟病身慚食祿長羨五湖遊

喜雨贈林子卿陳正夫

幽軒對客坐急雨簷前落陰雲破荒原涼風散林薄遙
想東山下苗生青沃若與子結幽期歸來看秋穫

懷交川諸友

積雨開霽色和氣散微煙遊情陟層巘凝睇望交川青
天何漠漠白鳥去翩翩遙思羣彥集從之路緲綿

懶拙

懶拙從人棄行藏與世違陶潛辭米去張翰憶蓴歸垂
釣貪春水看花愛夕暉便須開竹迳還製芰荷衣

入山

入山驚道險上嶺覺天低日礙危峰過雲依翠壁棲幽

花如血染怪鳥學兒啼避世須來此桃源路已迷

過李家坑

鳥道高千丈雲山入萬重汗流愁赤日力倦倚青松羣
僕頻相失行人竟不逢田家何處有僧寺隔前峯

贈周元帥

經濟人才重功名伯仲齊驅馳朝上馬感激夜聞雞海
漕輸燕北王師出陝西橐弓今日有更望撫遺黎

遊雅山寺

寺乃吳德大
長者所建

上方殊勝地長者給孤園挂壁袈裟淨生階秀草繁樓
光凝晚照樹色映前村法食干戈際真知象教尊

寄竹趣

五月不見面幾回思寄書艱危人事廢懶拙友朋疎白
槿開池畔黃梅熟雨餘感時驚久客何日訪幽居

送別

平生幾兩屐丘壑每窮探訪鶴青田曲穿雲鴈蕩南老
成羣輩服姓氏衆人談相見復相別題詩興不堪

橋上

落日清溪上涼風梓樹秋
北來船竟泊南去水空流
宇宙終無極干戈未肯休
野人無意緒獨立數歸鷗

送益上人

一雨新秋爽千山細路遙
林泉歸此日天地颯驚飈
訪鶴穿松樹觀魚俯石橋
幽棲輸爾樂高隱肯予招

元日

元日風兼雨蕭條野外村
過門車轍遠記節酒杯存
戰

金少曰五
卷二百六十一
伐看今歲棲遲且故園兵戈如未息身世豈須論

重登近山樓

羈旅歸來日危樓得再登山如前歲好雲向小窓凝種
木看今長藏書比舊增題詩成感慨老我愧何能

寄陳彥卿

樓屋近山東海頭翠雲影落小窓幽登臨昔日同諸彥
羈旅經年憶舊遊故國鶯花春入夢滄江風雨夜生愁
不堪老去悲離別歲月無情如水流

題中峰樓

中峯之樓風景幽山花滿屋翠雲流海天日出蓬萊近
月夜煙清沆瀣浮溪上松陰歸晚鶴簷前花樹語春鳩
齊川渺渺黃塵裏此日登臨是勝遊

獨望

獨望東南日向晡風高雪盡鴈行孤青山天際連於越
白水秋來滿太湖海內干戈猶爛熳舍西園圃近荒蕪
文章未必能經世深愧飄蓬歲月徂

自明回溫留寓郡城不得遂歸田之願述懷有

作

西風落葉送清秋力疾凭欄寄遠愁
政慕陶潛歸栗里翻為王粲客荊州
山峰近郭東西起江水通潮日夜流
景物年年只依舊獨憐華髮鬢邊稠

客南塘作

江頭無計問歸舟抱病羈栖古寺幽
風雨鶯花成寂寞干戈詩酒廢賡酬
衰年白日愁邊度故國青山夢裏遊

見說王師向淮甸早須傳檄定南州

折楊柳

折楊柳送別離朝朝送人遠別離門前楊柳折還稀今年折楊柳來歲復生枝奈何別離子一去無回時

題花竹翎毛

棠梨三月吐花齊布穀飛來樹上啼想見小園微雨過春光都在石欄西

又

梨花沐雨帶嬌羞
獨立枝間一鳥幽
若遣美人初睡起
定應無處著春愁

題蟹

昔年作客到淮陽
飽食霜螯一尺長
幾度淮西橙子熟
樽前空對菊花香

子昂畫

風動秋山日已晡
舊時林苑盡荒蕪
王孫去國猶無恙
解寫江南烟樹圖

棘上雙禽

幽禽並立羽毛齊
日落風寒棘樹低
擬待洛陽春色好
牡丹枝上伴鶯啼

贈星士陳光大

底用裹糧去遠遊
只將奇術動公侯
京都春色濃如酒
三月鶯花滿御溝

送牛德大

四月西湖景最奇
使臣行役到家時
畫船載酒輕輕蕩

紅袖籠笙細細吹

蘆溝曉月圖


蘆溝橋西車馬多
山頭白日照清波
蘆花亦有江南婦
愁聽金人出塞歌

春日送別

昨日相逢今日離
東風回首日遲遲
春深應有梅花在
別後何妨寄一枝

題畫

華蓋羣峰鴈蕩南
斜陽雨過碧于藍
秋風八月涼堪倚
拄杖穿雲看石楠



石倉歷代詩選卷二百六十一